

*Pour l'a-
vent.*

Verè dignum & justum est, æquum & salutare, nos tibi semper & ubique gratias agere, Domine sancte, Pater omnipotens, æterne Deus, per Christum Dominum nostrum; quem perditio hominum generi Salvatorem misericors & fidelis promissisti: cujus veritas instrueret inscios, sanctitas justificaret impios, virtus adjuvaret infirmos. Dàm ergò propè est ut veniat quem missurus es, & dies ahsulget liberationis nostræ, in hac promissionum tuarum fide piis gaudiis exultamus. Et idèd &c.

*Pour le
Jèudi saint.*

Verè dignum & justum est, æquum & salutare, nos tibi semper & ubique gratias agere, Domine sancte, Pater omnipotens, æterne Deus, per Christum Dominum nostrum, verum æternumque Pontificem, & solum sine peccati maculâ Sacerdotem: qui in novissimâ Cœnâ formam sacrificii perennis instituens, hostiam se tibi primùm obtulit, & primus docuit offerri: cujus carne pro nobis immolatâ dùm pascimur, roboramur, & fuso sanguine dùm potamur, abluimur. Et idèd &c.

*Pour le
jour de la
dédicace.*

Verè dignum & justum est, æquum, & salutare, nos tibi semper & ubique gratias agere, Domine sancte, Pater omnipotens, æterne Deus; qui hanc orationis domum quam ædificavimus, bonorum omnium largitor inhabitas, & ecclesiam quam ipse fundasti, incessabili operatione sanctificas. Hæc est enim verè domus orationis, visibilibus ædificiis adumbrata, templum habitationis gloriæ tuæ, sedes incommutabilis veritatis, sanctuarium æternæ caritatis. Hæc est arca, quæ nos a mundi creptos diluvio in portum salutis inducit. Hæc est dilecta & unica sponsa quam acquisivit Christus sanguine suo, quam vivificat spiritu suo: cujus in sinu renati per gratiam tuam, lacte verbi pascimur, pane vitæ roboramur, misericordiæ tuæ subsidiis confovemur. Hæc fideliter in terris, sponso adjuvante, militat; & perenniter in cœlis, ipso coronante, triumphat. Et idèd &c.

*Pour la
Toussaints
& la fête
des Pa-
sons.*

Verè dignum & justum est, æquum & salutare, nos tibi semper & ubique gratias agere.